

25 April 2013

Jaargang 6 – Uitgawe 11

## In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)



## Skakels

Webblad van die Hervormde Kerk

[www.nhka.org](http://www.nhka.org)

Die Hervormer

[www.hervormer.co.za](http://www.hervormer.co.za)

e-Hervormer

[www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

## VOORBLAD

### Trou is nie perdekoop nie

**Die Universiteit van Virginia in Amerika het onlangs 'n verslag gepubliseer met die titel *Knot yet: The benefits and costs of delayed marriage in America*. Uit die navorsing vervat in die verslag kom 'n klompie interessante resultate na vore.**

Alhoewel hierdie resultate tendense in Amerika uitwys, meen ek dat dieselfde tendense heel moontlik ook in Suid-Afrika voorkom. Die verslag wys die volgende:

- Die gemiddelde ouderdom waarop vroue babas het, is nou laer as die gemiddelde ouderdom waarop vroue in die huwelik tree. Teen ouderdom 25, het 44% van vroue al 'n baba, terwyl slegs 38% getroud is.
- Amerika is baie naby aan die punt waar die meeste geboortes buite 'n huwelik gaan plaasvind. 48% van alle eersteling word nou in die lewe gebring deur ongetroude ma's. Dis nou by die punt waar die meeste eerste geboortes 'n huwelik sal voorafgaan.
- Die meeste ongetroude ma's is nie in hul tienerjare nie. Slegs 23% van eerste geboortes by ongetroude ma's is by ma's in hul tienerjare. 60% is ma's in hul twintigs en ouer.
- Vroue wat wag tot hulle 30 is en eers in hul loopbaan gevestig is voor hulle trou, verdien baie meer as vroue wat jonger getrou het. Dit geld vir vroue met of sonder tersiëre opleiding. Hulle verdien aansienlik meer as vroue wat in hul vroeë twintigs getrou het.
- Dieselfde geld egter nie vir mans nie. Mans in hul middel dertigs wat in hul twintigs getrou het, het die hoogste vlak van inkomste onder hul eweknieë gehad. Ongetroude mans het van die laagste vlakke van inkomste gehad, selfs laer as mans wat getrou het voor hulle 20 jaar oud was.
- Saamblyverhoudings het die hoogte ingeskiet. Die studie het gewys dat jongmense nog min of meer op dieselfde ouderdom hul lewens met iemand begin deel, maar dat hulle dit nou veel eerder in 'n saamblyverhouding doen as binne 'n huwelik.
- In die verlede was dit feitlik net vroue met tersiëre opleiding wat gewag het om te trou. Nou is dit waar van alle vroue, maak nie saak wat die vlak van opleiding is nie.
- Die huwelik word gesien as die sluitsteen eerder as die hoeksteen van 'n verhouding. Om te trou, word gesien as iets wat jy doen nadat jy al jou eendjies in 'n ry gekry het in jou lewe. Dit word nie meer gesien as die fondasie waarop 'n meer volwasse lewe en veral ouerskap gebou moet word nie. Meer as 90% van jongmense het gereken dat jy eers jou studies moes afgehandel het en finansiëel onafhanklik moet wees voordat jy trou.
- 39% van paartjies in 'n saamblyverhouding wat 'n kind het, het binne vyf jaar die verhouding verbreek. Dit is drie keer meer as die persentasie van paartjies wat getroud was toe hulle hul eersteling gehad het.

Hierdie statistieke dui klaarblyklik op 'n bleek toekoms vir die huwelik soos ons dit tradisioneel ken. Tog meen ek dat veral die laaste puntjie bevestig dat dit nog altyd goeie sin maak vir 'n mens se verhoudings- en gesinslewe as hierdie lewe bevestig word binne die veilige ruimte van 'n huwelik.

Een van die vreugdes van omgaan met die Bybel is om te besef hoeveel goeie sin (*common sense*) daar in die Bybel opgesluit lê. Dis juis waar as dit kom by hoe jy 'n sukses kan maak van die verhoudings in jou lewe.

**Ds Etienne Fourie**



## PREDIKANTE EN GEMEENTES

Stuur asseblief berigte oor lief en leed en gemeentegerbeure na [produksie@nhk.co.za](mailto:produksie@nhk.co.za).



Iwan Vogel

- **Ds Arno en Sarie Nieuwhof** van die Stella-kombinasie se dogter Mari-Corné is op Vrydag 12 April gebore. Baie geluk aan die ouerpaar en sussies Zaandre en Chante!
- **Ds Jaco en Quenunca Vogel** van Gemeente Rooihuiskraal se seun Iwan is op Vrydag 19 April gebore – 'n gesonde 3,49 kg! Baie geluk aan die ouerpaar en klein Marizé!
- Emerituspredikant **ds Jan Schroeder** van Heidelberg is op Saterdag 13 April getroud met Lettie Bolton van Morgenzon. Baie geluk aan die egpaar!
- **Dr Annelie Botha** van Gemeente Mafeking het by 'n onlangse plegtigheid van die Universiteit van Pretoria 'n PhD-graad in Praktiese Teologie verwerf, onder die promotorskap van prof Yolanda Dreyer. Haar studie het oor die huwelik gehandel. Baie geluk!
- **ADV se Jaar vir Gestremdheid: Respekteer en akkommodeer.** Bly binne 'n dowe persoon se gesigsveld aangesien hulle dikwels moet liplees en gesigsuitdrukings moet lees om te verstaan wat 'n horende probeer sê.

### • Vakature vir pleegouers in die DPS-huis Potchefstroom

Die vereistes is onder andere:

- o Getroude egpaar.
- o Verkieslik tussen 40 en 55 jaar oud.
- o Lidmate van die Nederduitsch Hervormde Kerk.
- o Goeie gesondheid.
- o Aanvoeling vir kinders.

Benewens 'n maandelikse kontantvergoeding word gratis inwoning in die DPS-huis ook by die pakket ingesluit. **Aansoeke sluit op 30 April 2013.** Kontak die volgende persone vir meer inligting:

**Mnr Otto Viljoen: 012 322 8885 / 079 495 2007 / [kinderhuise@nhk.co.za](mailto:kinderhuise@nhk.co.za)**

**Ds Willem Kok: 018 294 4187 / 083 664 0058 / [wilmak@absamail.co.za](mailto:wilmak@absamail.co.za)**

Dit sal waardeer word indien predikante hierdie inligting by die afkondigings van die gemeentes sal insluit.

- **AGB-wenk:** Daar is 'n behoefte by ouer persone om menswaardig behandel te word, sodat individue gesien word as mense eerder as tweedeklas burgers wie se wense en gevoelens geïgnoreer en misgekyk word. Begin in jou eie kring en maak seker dat jy ouer mense behandel soos jy graag eendag self behandel wil word. Vir meer inligting, kontak jou diaken of die AGB by 082 786 8448.

- **Kerklike eiendom in Venterskroon.** Die Raad van Finansies het besluit om eiendomme wat nie 'n finansiële bydrae tot die roeping van die Kerk maak nie, te verkoop. Die Raad versoek enige persoon wat sou belangstel om 'n aanbod in te dien vir die eiendom te Venterskroon.

**Die eiendom:** Groot 6,6 ha met drie geboue op waarvan 2 woonhuise is en een die ou polisiestasie. Al drie die geboue dateer uit die vorige eeu. Twee van die geboue is tevore gerestoureer, maar die derde een kort baie aandag. Daar is ook 'n tronk op die eiendom en nog 'n gebou wat voorheen 'n motorhuis was maar omskep is in kamers. Op die eiendom is 'n boorgat wat water voorsien aan die kampterrein, en daar sal waarskynlik 'n serwituuat geregistreer word om watervoorsiening aan die kampterrein te waarborg. Hierdie is nie die grond waarop die kampterrein geleë is nie.

**Aanbiedinge:** Rig die aanbiedinge aan Piet Beukes by Posbus 2368, Pretoria 0001 – verkieslik in 'n verseëelde koevert – **voor 24 Mei 2013.**

**Aksiegroep  
Gestremdheid**

**agb** aksiegroep  
vir bejaardes





## Spesiale eredienste en feesnaweke

- **Gemeente Warmbad: Sondag 26 Mei om 09:00**  
60-jarige feesviering van die gemeente  
en 25-jaar-ampsjubileum van ds Marius Bacon  
Nagmaaldiens om 09:00 met vingerete na die diens  
Alle oudlidmate welkom  
Kontak die gemeentelike kerkkantoor by 014 736 3124  
of oudl Van Dyk by 073 535 0160
- **Gemeente Goede Hoop (Piet Plessis): 100 jaar  
Feesnaweek 29 November tot 1 Desember 2013**  
Basaar en hoeksteenoprigting (met optrede deur sanger Pieter Smith)  
asook Voorbereiding Saterdag  
en Nagmaal en Danksegging met doop Sondag  
**Gedenkalbum** deur prof Hennie van der Westhuizen  
Navrae en bestellings aan ds Arno Nieuwhof by 073 240 6030  
of [arnonieuwhof@gmail.com](mailto:arnonieuwhof@gmail.com) of op sy Facebook-blad

## Predikanteverjaardae

- **Die volgende predikante verjaar tot 3 Mei, en word hartlik geluk gewens.**
  - Donderdag 25 April: Prof Andries van Aarde (siekte-emeritaat),  
dr Wimpie van Schoor (Primrose-Oos) en  
ds Rika van Staden (Goudveld)
  - Vrydag 26 April: Ds Paul Kern (Sannieshof)
  - Saterdag 27 April: Dr Kálmán Papp (Bybelgenootskap)
  - Sondag 28 April: Ds Pieter Rossouw (Pietermaritzburg)
  - Dinsdag 30 April: Ds Wimpie Steyn (emeritus)
  - Woensdag 1 Mei: Ds Nick Alberts (Wonderfontein)
  - Donderdag 2 Mei: Prof Kálmán Papp (emeritus)
  - Vrydag 3 Mei: Ds Elritia le Roux (Outjo/Otjiwarongo)

## Beplande vergaderings

- Donderdag 25 April: Werkwinkel van die Ondersteuningsraad
- Donderdag 2 Mei: Taakspan
- Saterdag 4 Mei: Kommissie van die ADV

## Kursusse en toerusting

- **Voortgesette Teologiese Toerusting vir Predikante (VTT)  
4 en 5 Junie en 5 en 6 November**  
Tema: *Geloofsonderskeiding*  
By Gemeente Wapadrant  
Koste **R350** per persoon (**Let wel: Nié R400 nie!**)  
Predikante wat VTT in Junie wil bywoon, moet mev Betsie Brits  
**voor 20 Mei** kontak  
Faks 012 420 4303 / Tel 012 420 5393 / [betsie.brits@up.ac.za](mailto:betsie.brits@up.ac.za)  
Registrasiefooi verkieslik vooraf elektronies of per bankdeposito  
Kerkgeld vir Kerkwerk, ABSA, rekeningnr 020 149 752, kode 63 20 05  
Verwysing 2013K VTT en naam van kursusganger
- **Interkerklike trauma-ondersteuningskamp  
Vir naasbestaendes van slagoffers**

**9-11 Augustus** by Magaliesberg-kampterrein  
 (minder as uur van Johannesburg, Pretoria en Rustenburg)  
 Inisiatief van Elize Perrin, suster van Mauritz Oberholzer  
 (Hy is in September 2012 in plaasaanval naby Brits vermoor)  
 Hooffasiliteerder: Ds Pieter Oberholzer, Weermagkapelaan  
 en predikant van NG Kerk Groenkloof  
 Koste: R550 per persoon (akkommodasie, etes en konferensiefasiliteite)  
 Bespreek by Elize by 072 600 5809 of  
[deoudepastorie.victoriawest@gmail.com](mailto:deoudepastorie.victoriawest@gmail.com)  
 Navrae oor inhoud van program aan Pieter by 082 332 5782 of  
[pieterjanob@gmail.com](mailto:pieterjanob@gmail.com)



**Omdraai Wegdraai** **NUUT**

*Koffiegesprekke oor geloof en geloofsvorming*

**R99,00**

*Hierdie koffiegesprekke wil jou ook laat agteroor sit en nadink oor jou lewensreis.*

E-aankope: [www.bybelmedia.co.za](http://www.bybelmedia.co.za)

**BM**  
BYBEL-MEDIA

### Beskikbare behuising

- **Andries-Marié Oosthuizen Monumenttehuis-woonstello in Parys**  
 Daar is tans die volgende behuising vir senior burgers beskikbaar:  
 2 x enkelkamer met 3 etes, wasgoed en skoonmaak van kamer 1 x per week  
 1 x lieflike enkelkamer met eie kombuis, stoep en tuin,  
 met 3 etes, wasgoed en skoonmaak van kamers 1 x per week  
 R5 800 per maand  
 Kontak matrone Botha by 056 811 2185 vir meer besonderhede

### Konserte en feeste

- **Vrydag 10 Mei om 19:00: Gemeente Witbank**  
 Konsert met Jammies Jamneck (komediant) en sy kinders (kontreisangers)  
 By Klipfontein-laerskool  
 Vingerete ingesluit, wyn en koeldrank voor optrede en in pouse beskikbaar  
 Volwassenes R100 elk, laerskoolkinders en jonger R50 elk  
 Navrae aan Nick van Niekerk by 082 894 7916  
 of Rachel Bothma by 013 697 0455
- **Saterdag 25 Mei: Gemeente Culembeek**  
**Manne-Oggend** met prof Stephan Joubert as spreker  
 In die Simfonie-ouditorium, Witpoortjie, Roodepoort  
 R120 per persoon  
 Bespreek by ds Annerie Conradie tel 083 291 4782

## BRAHMS SE DUITSE REQUIEM

Sondag 28 April om 15:00 en Maandag 29 April om 19:30 in die Musaion (UP)  
 Kamerkoor en -orkes onder leiding van Michael Barrett  
 The Chamber Singers  
 Soliste Renette Bouwer en Hendré van Zyl  
 Kaartjies teen R120 by die deur beskikbaar  
 Bespreek by [michaelconductor@gmail.com](mailto:michaelconductor@gmail.com) of 083 287 1599  
 Meer inligting by <http://www.thechambersingers.com>



### Kampe en toere

- **Konteks-leserstoer na Turkye: 2 tot 18 Oktober 2013**  
 15 dae op die voetspore van Paulus, Johannes en die eerste Christene  
 Toerleier: Prof Ernest van Eck  
 Plek vir slegs 30 – bespreek betyds!  
 Kontak prof Van Eck by 012 420 3804 / 082 413 2332 /  
[ernest.vaneck@up.ac.za](mailto:ernest.vaneck@up.ac.za)  
 of Louise Geysler (reisagent) by 012 361 0579 / 082 560 4279 /  
[louise.geyser@absamail.co.za](mailto:louise.geyser@absamail.co.za)
- **Toer saam na Israel en Egipte: 28 November tot 7 Desember 2013**  
 Beleef God in die voetspore van Jesus  
 Toerleiers: Ds Fanie Beukes en dr Francois Carr  
 Vir meer inligting, kontak ds Beukes by 073 167 1183  
 of per e-pos by [faniebeukes@yahoo.com](mailto:faniebeukes@yahoo.com)

### Sportbyeenkomste

- **Saterdag 4 Mei vanaf 09:00 (inskrywings vanaf 06:30)**  
**Gemeente Trichardtsfontein: Race of Grace**  
 60, 30, 10 km en kinderwedren  
 Ondersteun deur Megchem Fietsryklub  
 Met kuns en handwerk, lekker kos, dagsorg vir kinders  
 Navrae aan [nhktrichardt@vodamail.co.za](mailto:nhktrichardt@vodamail.co.za)

### Kompetisies en fondsinsamelings

#### GEMEENTES HARTBEEFONTEIN EN GERDAU: FONDSINSAMELING

Wen-'n-boerdery en Noag-se-ark-skildery  
 Geleentheid om R50 000 in te samel  
 Pakket van 50 kompetisieboekies met 11 kaartjies in elke boekie  
 Betaal R5 000 vir pakket van R55 000  
 50 pryse te wen, in totaal meer as R100 000 werd  
 Wen plaasdiere, bokke, varke, duiwe en vele meer!  
 Trekking in Oktober 2013  
 Kontak Barry of Marthie Pretorius van Hartbeesfontein  
 by 018 431 0331, faks 086 550 1874 of [barypret@lantic.net](mailto:barypret@lantic.net)  
 Verdere navrae aan ds Petrus Harmzen by 082 777 4253





## Basaars en markte

- **Vrydag 26 en Saterdag 27 April**  
**Gemeente Warmbad: Basaar**  
Op die terrein van Forever Resorts, ingang Groblerstraat  
Vrydag vanaf 14:00 kosstalletjies  
Vanaf 19:00 musiekkonsert met Juba Broers – toegang gratis  
Saterdag vanaf 08:00 kwaliteitvleis, salami's, wildsbiltong teen billike pryse  
Ontbyt, stalletjies en vermaak  
Kontak gemeentelike kerkkantoor by 014 736 3124
- **Saterdag 27 April vanaf 08:00**  
**Gemeente Magaliesmoot: Karnaval**  
Op hul gronde langs Laerskool Kameeldrift  
Kwaliteitvleis teen uiters billike pryse  
Vermaak vir jonk en oud, sewesrugby, boeresport en meganiese bul  
Groot sangkompetisie met verskeie pryse  
Stalletjies sluit in witolifanttafel, veiling, handwerk, verskeie eetgoed en meer  
Kom kuier saam en dra hope winskope huis toe  
Kontak ds David Barnard by 083 441 1789
- **Saterdag 27 April: Gemeente Greylingstad: Basaar**  
Hele paar beeste is geslag, daar is ook skape te koop  
Veiling van rooibok en twee bosvarke  
Tradisionele basaaritems en stalletjies  
Ondersteun asseblief hierdie klein gemeente  
Navrae aan Sarie Pieterse by 017 778 0158 of [sarwipi@telkomsa.net](mailto:sarwipi@telkomsa.net)
- **Woensdag 1 Mei 07:00 tot 16:00**  
**Gemeente Potchefstroom: Motorskou**  
Die Motorskou is vanjaar mondig!  
Meer as 300 motors word uitgestal  
Verskeie vlooiemarkstalletjies, baie eetgoed  
Kontreifees met *Country*-legendes  
Kontak ds Willem Kok by 083 664 0058  
of Magda Kok by 018 293 2672 (08:30 tot 13:00)
- **Vrydag 3 Mei van 17:00 tot laat**  
**Gemeente Nigel: Basaar**  
Op kerkerrein in Eeufeeslaan  
Verskeie kosstalletjies, geskenke en vakuümverpakte vleis  
Kom snuffel tussen die boeke terwyl u smul aan 'n sosatie!  
Kom bemark en verkoop u produkte, stalletjies beskikbaar teen R150  
Kontak Ronel by 011 814 3155
- **Saterdag 4 Mei: Gemeente Delareyville: Genl Delareyfees**  
Topgehalte vleis, heerlike eetgoed en baie ander items  
Wynproe op die terrein  
Gratis toegang tot die optrede van Jay en Lianie May  
Kompetisie om topvee of 'n bootreis of kontant te wen  
Kontak ds Attie Hattingh by 082 770 6862 of Ben van der Ryst by 082 372 7035
- **Saterdag 25 Mei 09:00 tot 14:00**  
**Gemeente Mafeking: Diamantstormloop**  
By Wouter de Vos Rugbystadion in die dorp  
Verskeie stalletjies en vlooiemark  
Musiek deur Lichvaal Stereo vanaf die rugbystadion  
Verskeie diamante met gesamentlike waarde van R20 000 te wen  
Koop 'n kaartjie teen R100 en ontvang 'n pakkie diamantgruis

Sif die *vreemde* voorwerp daarin uit en kwalifiseer dalk om 'n diamant te wen!  
 Navrae aan Kallie of Nelia Landsberg (079 893 9031 of 083 665 6239)  
 Bemerk en verkoop u produkte – stalletjies R300 elk  
 Navrae aan dr Annelie Botha (082 650 3494)  
 of Magda Redelinghuys (082 825 1913)

## ANDER NUUS

- Sonitusskool vir Gehoorgestremdes: Damesdag**  
**Saterdag 11 Mei om 09:00**  
 Riana Nel en verskeie uitstallers  
 R130 per persoon  
 Kaartjies by Miné 012 800 1161
- Transvalia-skool vir Epilepsie en Leergestremdheid**  
**Vrydag 7 Junie om 19:30 in die Aula**  
 Romanz en Nianell  
 Besprekings by skool 012 800 1071 (kantoorure) /  
 Marietjie 083 294 8246 (naure) / Lizet 082 550 6960
- Nuwe nasionale fondsinsamelingsprojek op 31 Mei.**  
 Plakkers te koop @ R10 elk. Daar is 5 soorte plakkers te koop: diere; algemene welsyn in gemeenskap; kinders; gestremdheid; onderwys. Deur 'n plakker te dra op 31 Mei wys jy dat jy jou *belasting* betaal het ten bate van jou gunsteling nuwingsgewende organisasie. Om seker te maak dat jou tekkies nie 'n verleentheid is nie, is daar 'n spesiale paar veters te koop @ R30. As deel van die plakker is daar ook 'n kleiner plakker wat jy op jou selfoon kan plak. Bestel jou plakkers van TOIBO. Kontak Arina Jooste by 012 320 7644 / 082 560 5213.



**Moreletapark**  
 ☎ 012 - 993 2807  
 ☎ 012 - 993 3954  
 Rubensteinweg 785  
 Moreletapark, Pretoria

**Centurion**  
 ☎ 012 - 654 9902  
 ☎ 012 - 654 6532  
 Lytteltonlaan 85  
 Clubview, Centurion

e-pos: [sonja@ssfsg.co.za](mailto:sonja@ssfsg.co.za)  
**Sonja Smith - 082 253 8078**

## Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit teks van ongeveer 110 woorde (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskartjie wees nie.

Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. Die koste is R150 per plasing (BTW ingesluit).

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Wanneer ’n mens die teks van ds Marthinus van Staden uit Gaborone lees, val een frase op as die kern van waaroor Christelike godsdiens gaan: *die setel van jou Christelike identiteit*. Hy lys verskynsels en belewenisse wat soms verkeerdelik hoog opgegee word as die setel van Christelike identiteit. Veral taal, tradisie, kultuur, geskiedenis en nog ander was tot onlangs deel van die onverkwiklike debat by sommige in die Hervormde Kerk. Die essensie is so eenvoudig en duidelik – die eenheid in Christus styg bo al die ander dinge uit. Baie dankie vir so ’n helder siening.”

**Dr Ernie Jacobson**

“Miskien is dit maar net my verbeelding (dis mos wat ons altyd hoor as ons sê *Jy skeep my af!*), maar die gemeentes van die Pietermaritzburg-ring is so ver van al die gebeurlikhede en kursusse *wat net so ’n uurtjie of wat van Johannesburg en Pretoria is!* Ek praat nie namens die ander gemeentes nie, of selfs my eie gemeente nie, maar namens myself. Ons gemeentes self is ver uit mekaar geleë, wat ‘intergemeentelike’ okkasies uitskakel. Kan iemand ons dalk ook op julle kaart plaas? Voorspoed en vrede vir u!”

**Oudl Veronica Coetzer, Gemeente Richardsbaai**

*(Veronica, kyk gerus in Konteks van Mei 2013 na die mooi bylaag oor die ring van Pietermaritzburg. Laat weet ons van jul gemeentes en predikante se doen en late, en ons plaas dit graag!)*

## AGTERBLAD

### Tafelgesprek oor teologiese opleiding

**’n Oop gesprek oor die Kerk se teologiese opleiding het onder groot belangstelling op Vrydag 19 April by die Sinodale Kerkkantoor plaasgevind.**

Benewens lede van die Kommissie van die AKV en feitlik al die dosente van die Kerk, was daar predikante, ouderlinge, teologiese studente en lidmate van so ver as Zeerust, die Vaaldriehoek en Waterberg teenwoordig. Prof Ernest van Eck, voorsitter van die Hervormde Dosentevergadering aan UP, het die gesprek ingelei met ’n kort voordrag oor *Die teologiese opleiding van die NHKA by UP*, waarna dr Kobus Labuschagne ’n voordrag gehou het onder die titel *Eenheid en verskeidenheid – sien die mens raak*. Albei voordragte is beskikbaar op *Die Hervormer* se webblad *Teologiese Gesprek* ([www.hervormer.co.za/gesprek](http://www.hervormer.co.za/gesprek)). Die inleidings is gevolg deur lewendige gesprek waartydens die dosente kon antwoord op vrae en kritiek, terwyl dit ook geblyk het dat die huidige groep van ses dosente dikwels deurloop onder beskuldigings wat van veralgemening getuig. Die dosente het bevestig dat hulle *kerklike teoloë* wil wees en ook by kerkwerk in gemeentes betrokke is of wil wees. ’n Volgende gesprek om uitstaande kwessies wat die Kerk se teologiese opleiding raak te bespreek, volg binne ’n maand en sal in die *e-Hervormer* bekendgemaak word.

